

Patrie dal Friûl



Sfuei dal Moviment Autonomist pe difese de minoranze celtiche dai ladins furlans

DIREZION: UDIN, Bors de Pueste (Via V. Venit, 32).

Diretôr Responsabil: **MARCO DE FALCO**

Reg. Tribunâl di Udin n. 20 dal 1-2-49 - Tip. "San Marco" - Cormons

Abbonamento postale gruppo II



DI BESSOI

ASSOCIAZION par un an: te Republiche italiane 1.000 francs; pal Forest 1.800

C. C. P. 24/13331 Interiâl a "Patrie dal Friûl"

Un sfuei 40 francs

I manuscrits, publicâts o nò, a' restin di proprietât de Direzion, che 'al coveate ju modifichê.

AL COVENTE DISPEÂSI

Il senatôr Magliano al à presentade une propueste di lez par dividî in dôs regions la region Abruz-Molise e daûr di ce ch'è disin al somee che no j manjarà l'aprovazion de bande des Cjamaris, a di cheste propueste.

In fin dai conz si trate de risolucion di un problem ministratîf di nissun impegn politic, sedial pal guviâr, sedial pai partiz interessâz, che dopodut, 'e quistoressin vantaz elutoral tal vegni incuintri ai desideris di chês popolazions.

Sul cjamp nazional in pen l'afâr si presente ledrôs e la stampa taliane no à mancjât di polemizzâ e di preoccupâsi des consequenzis; dopo la division dal Abruz e l'aprovazion de gnove region Molise come si cjatarai il guviâr; nol podarà plui discori de impossibilitât di distacâ il Trentin dal Sudtîrol, ni puartâ in taule i herdeis e lis dificultâts costituzionâls dopradis fintremai cumò, par fâ la magna pe campagne. Di ceste indee 'e je ancje la stampa di Viena, dal sfuei conservatôr "Die Presse" al sfuei socialist "Arbeiter Zeitung", ch'al publicâ ancje un biel articul a pro de autonomie special dal Friûl, e duc in Austrie 'e fevelin e 'e sperin che si dopri la lez proponude dal senatôr Magliano par meti 'n sêr la involegnade custion dal Sudtîrol distacâ dal Trentin e metinû dopo te stessis cundizions de Valdoeste, de Sicilie, de Sardegna, favoridis une vorone cun dut che no vebim minoranzis etnichis come chês todeschis e ladins. E cumò fevelin dai ladins par vie che ciar problems dal Trentin Alto Adige si presentin squasi ta chês stesse forme di chei dal Friûl (e) Venezia Giulia.

Ta cheste region "strolighe" il grop etnic ladin furlan al è il plui impuartant, il triestin al è un cosmopolit; 'o vin pòs interes di spartî e une vore di contrasce par no lâ masse ben cun l'ôr. Cumò il litorâl furlan di puart dal Nujâr e la zone dal Auser-Car che scomenzaran a industrializzâs nu podin che inzerissi la smare: Triest siarât di ogni bande al podarà tirâ indenant nome cui sussidis. Chê Vigneste Julie sgnacade tes nestris cuestis, imponude 'e Costituent dai nazionalis, cu la "speranziella" di tornâ a pojàs su la renzide orientâl da l'Adriatic, 'e je lade struje. Cui Memorandum di Londre dopo de division in Zone A, Italie, in Zone B, Yugoslavie, dal Teritori Libar di Triest chês dôs nazions no àn otignude la sovranitât su chel Teritori, ma dome une deleghe — a titul provisori — dai poder des potenzis di ocupazion aleadis pe ministrazion di chês zonis. Cjosse ricognossude cumò ancje tune sentenze dal consei di Stât par vie da l'articul 21 dal tratât di pàs cu l'Italie dal 1947.

In chestis cundizions la region Friûl (e) Vigneste Julie no à tropis pussibilitât di vite u

inalore 'o scugnin decidi par scelari la situazion e liberâsi di une gjambatorie che nus à fat piardi une tasse di agn e tantis pussibilitâts di ripiâsi.

Al covente distacâ la nestre region de zone A dal Teritori Libar di Triest, cancelâ de Cjarte costituzionâl repubblicane la zonte "Vigneste Julie" e meti 'n vore daurman l'autonomie a statût special pe region dal Friûl.

Par puartâ a bon dai chest 'e coventin union e jutori di duc i ladins furlans seors di difindî i interes de l'ôr patrie, di salvâ la l'ôr gjarnazie, la l'ôr lenghe, lis l'ôr tradizions, menazadis di ogni bande.

Pussibil mo, che ancje in Friûl no nus vegni incuintri, par dâ une pocade a Rome, un senatôr Magliano?

Just D.

LA POCADE DAL POPUL

Il comant al ven di adalt e al rive jù fin al popul; 'e je dute une secale social, che di une gjerarchie a di cheatre 'e mene tal bas dula che si cumbine e si met in vore il program de autoritât. Alore duc 'e tachin a cjâlâ adalt par viodi s'al plûf ale di bon e si scrif par domandâ e si pree i soestanz par ch'è lassin colâ qualche fruzzon de l'ôr taule furlane. Cui ch'al fâs cussî al si dismente che la secale dal podê no si le fâs nune vignint jù ma ancje lant sù e che cui ch'al è parso-re prime al jere disot.

Il podê e il comant 'e risultin di une cumbinazion, di un incuintri di fuarcis che s'incrocin di dôs bandis. Il comant di adalt nol rione trop se no lu acete, se no lu poche il popul e ancje chei ch'è messidin la int 'e san dula che il l'ôr podê al poe lis ledris, 'e san che il popul nol pò vegni contradiit quan' ch'al ejape cussienze de

sò fuarce, al madrês une indee sintude, vive, incarnade tal so volê.

Alore il comant dal soestanz si moreste, si smole un fregul e si sbasse a mieze secale par baratâ une forme di vivi e di regisi daûr de gnove realtât politiche.

'E falin une vore chei ch'è crodin es promessis e 'a piardin timp a preâ i parons dal vapôr e dai partiz inpen 'e smiejin tal just chei ch'è pensin a semenâ e a fâ madressi tal popul une impinion, une veretât par fâle diventâ fuarce.

'E je stade chê preparazion, 'e je stade chê fuarce a meti in moto i soestanz, i partiz ch'è scugnin cumò fâ lis "Regions" e lis riformis socialis. Il liberalisim che nus à tignûz sclis par un secul al pò vosâ, protestâ tan' ch'al ôl; si trate dome di revocs di fantasimis. Il Stât, ancje se nol pò rivâ a piardi lis peçis dal so jessi, cu lis regions

al diventarâ un freghinin plui uman, plui sopuartabil di gloti. In Friûl al è un Sfuei ch'al a predicjât prin di duc l'autonomie e imò la prodieje e dopo disesiet agn di lotis cuintri l'ignorance, i 'nteres, i partiz e i soestanz, il trionf di ce ch'al à semenât al scomenze bielzâ a palesâsi. No si semene mai dibant co si trate di cjossis veris e naturâls ancje se une tiare 'e je magre e pustote, come chê furlane.

PAR UN MOLO UBIT

Il proveditorât regional des oparis publichis dal Friûl (e) Venezia Giulia al à deliberât une spese di passe 200 millions par binaris, gru, lobiis e pedrât tal molo di Triest. No saressial stât miôr mandâ chei millions in Friûl a pro di cetane' lavors urgjenz ch'è spietin di agn une soluzion?

DEMOCRAZIE O PERAULIS

Putros nus àn domandât come ch'al sedi pussibil che la basse Italie e lis isulis 'e podin gjoldi ai tant' beneficiis e infoties di dutis lis lez, menâ une vite bielzâl come ch'è di un secul in jù. Intan' che il Friûl pacjific al è ingolfât di militârs e di polizians, no si pò capi:

Par sejafojâ biel plane la Furlanie nus àn impromitût l'autonomie.

mazzaluzis, lis rapinis e il brigantaggio ch'al regne tes tiars dal soreil, senze che i soestanz 'e pensin a traslocâ tante fuarce publiche cul disocupade indula ch'al covente uardâ la vite, l'ordin, la lez. Chestis e âtrs domandis su la camore, su la mafie al mome ch'è vebin cumò une rispuete cun tune incnesta parlamentâr, finalmentri a-provade; ma cetante fadie par rivât a chest pont. Tal lui dal 1948 a Montecitori 'e jere stade bielzâ domandade cheste inchieste, ma l'on. Mario Scelba sicilian e soestanz dal ministèri de Polizie al veve rispuandût un biel no, «parcè che lis viti-mis de criminalitât in Sicilie 'e son — dissâl — une vore mancul di chês des âtris regions cunsideradis fra lis plui indenant da l'Italie». E pensâ che dal 1948 'e jerin i tîmps dal re di Montelepre, di Giuliano?

Un an dopo, gnove domande e cheste volte tal senât ai 22 di ugn 1949, e l'on. M. Scelba al disê un'âtre volte no par vie che «la criminalitât in Sicilie si jere disbassade dal 85 par cent». In chel timp parâtri 'e jerin stâz sassinâz 42 dirigjenz pulitics e qualchidun di chei al jere democristian.

'E passarin nûf agn di 'n ch'è

volte; tal novembar dal 1959 il senatôr Ferruccio Parri al presentâ al senât un projet formâl di inchieste, restât tai casertins de comission legislativa dai «afârs internes», presiedude dal on. Zotta, fintremai ch'al scelopâ il famôs scandul La Loggia-Ton-doj, ma distes j coventarin inô nûf mès prin che si presentas la relazion e si permetes la discussion.

Tal so pensir il relatôr al ejatave inutil l'inchieste, senze rispiet viars i segrez dal podê giudiziari e senze cunsistenze par rivâ ai risultât che si sperave. Oleso savê ce ch'è je la mafie? Lu san duc — dissâl — l'on. Zotta, ma un senatôr al profitâ par rispundî: i cirrus pulitics ch'è son aleaz cu la mafie e la rapresentin al Senât si son finalmentri sveâz. Chest al suze-deve ai 26 di avrîl dal '61 e tal doman la propueste dal on. Parri 'e vares dovât sei votade, in pen 'e spari dal program de sedude dal Palaz Madame par

salâ fûr cumò, dopo di un an e par sei finalmentre discutude des Cjamaris. La votazion bielzâl dai deputâz regionalis sicilians par fâ ch'è inchieste 'e à pocât chei di Rome a decidisi, ma dutis lis manovris, ma dute cheste sflacje 'e meretîn qualche cunsiderazion.

De fin de uere a uè, in chesc' 18 agn la Sicilie 'e à viodût une sfloridure tremende de mafie. Deliz un daûr di chel âtri, cuintribanz di ogni fate a rai di a-zion mondial, taponâz tun mûr di «omertà» cun suspiez natural di protezionis fra «cosche mafiose» e umign pulitics 'e àn confermade la publiche impinion che in Sicilie si podeve governâ e vivi dome lant dacordo cu la mafie. Une classe dirigent e responsabil no vares piardût tant timp par meti i fiars in aghe e pandi diretamentri la veretât, denunziand senze cjâlâ in muse chest u chel âtri omp pulitic impeolât o compromitût. E te denunzie no si vares

vût pore se qualche partit al scugnive gratâsi lis rognis.

Intant a Palermo, Agrigento, Caltanissetta, in dute la Sicilie a soreli bonât si va indenant a copâ, a ricatâ, a fâ pôre senze che 'l guviâr regional e nazional 'e cirin di rompi la cjadene dai deliz e di culpi i delinquenz di adalt o di dabâs ch'è sedin. Dopo tan' timp piardût nol sarà fazil uari une plae incancrentide e une vore piês 'e sarà ch'è di rivâ a cjâf di une omertât diventade ereditarie insieme a ziaris particolaritât dal caratar, de vite e dal ambient sicilian. Par chestis resons 'o viodin scûr e 'o pensin che l'inchieste parlamentâr sclete o truca-de si ridusarâ es solitis conclusions: peraulis. Peraulis che di un secul a cheste bande 'o sintin businâ tes oreis e 'o lein sui sfueis, ma che no mudin la realtât.

G. C.



Duc' ca di

PAULI MORASSUT

rive Bertuline N. 3 UDIN Tel. 3177 - 2887

■ GNUF REPART DI PORCELANIE

■ CRISTALARIE

■ ARTICUI CASALINS

■ PAR REGAI E POSSADIS DI OGNI FATE

LA CUNVIGNE DAL AN

Il 25 di avrîl a Tresesin tal alberc «Friûl» la Scuole Libare Furlane «e a tignude la sò vicinie anul. Cheste dinamiche Instituzion culturâl furlane, ch'e lavore cui fruz e cu la zoventût, «e a dade une direzion plui ative al so lavôr in pro de culture ladine dal Friûl tal 1961 e ancjemò plui tai prins mês dal 1962. Lu à dite cu la sò peraule sciete e ferbinte il president Pieri Vanzeli ai tanc' associâz e amis de S.L.F. vignûz de Cjargne, de Basse, dal Lusinz e dal Tiliment. Al à conseât une ativitât unide e orde-nade di svilup e di iniziative fra duc' i cjaps de Regjon e la necessitât di contaz e riunions di studi sui problems ch'a riuuardin l'Instituzion e il Friûl. Il diretôr centrâl D. Zannier cun tune relazion al scolarive a fons il telâr vîr de Scuole Libare Furlane, ch'e intint di lavôrâ cun semplicitât e cun buine volontât in pro de marilenghe e des tradizions ladinis, cence pierditi in custions che no rionin a nissun a tan mancual al Friûl. Il prof. Z. Jus al intervigne su la realtât de cus-sienze lenghistiche furlane e il dir. G. Geat dopo une disquisizion sul Cornovalês al sustig-nive cul ami Pieri Matie la necessitât di servizi des tecni-

chis modernis di spettacul. Il conseir di direzion R. Talot al puartave a cognossince il so viac in France e Svizzera e i contaz vuz cui Furlans e cun chei âtris Ladins. Il dir. M. Argant al discorreve dai preparatîs dal V. Congres de S.L.F. che si lu fasarà in tun biel pais dal Friûl di sorêli jevât.

Tant il sit che l'implant dal Congres «e son stâz aprovâz di duc' i presinz. Qualchidun al à vût ce proponi riuuart a une esplorazion sul cjant religjôs furlan dal popul, su lis sem-bleis zonâls, concors a âtris stocs. Tanc' Furlans inomenâz pe culture «e vevin mandade la lôr adesione. Par ultin si è lete la comunicazion rivade frescje frescje dal munistr di Disentis tai Grisons di P. Vigeli Berther, profont studiôs dal ladin de Svizzera, su la nuvitât che il ladin al ven mitût chest an tes Scuolis todeseis di Coire. La comunicazion «e finive cun tun augûr sciet e afetuos a la Scuole Libare Furlane di lavôrâ simpri pe salvece «da pli gronda enclava romantscha» ch'e son, al è inutil tassè, propit i Furlans. La cunvigne «e jè stade tignude in tune clime di famée e cun serietât di studi, di cunvinzion, di voluntât.

d. d.

Letaris 'e Direzion

Cjare Patrie,

'o sin doi marinârs furlans e di pœc 'o vin savût ch'e jes "Patrie dal Friûl". Nus dirês: ce biei Furlans, ma la colpe «e je ancje uestre che no fasês (al sarà par vie dai miez) vonde publicitât; se no fas cussî «e sares une vorone plui cognossude. In ogni mût 'o sin contenz di faus savê che di uè indenant ancje nò 'o fasarin part dai letôrs associâns al nestri cjâr Sfuei e, tal nestri pizzul, 'o fasarin dut il pussibil par jâlu cognossi.

Mandi e ogni ben.

rd. E. P., rd. I. F.

'E je propit cussî, «e coventarressin plui miez par fâ la publicitât al nestri sfuei, ma cun dut chest no podin lamentâsi in grazie di cetanc' bogn Furlans che nus capissin, nus judin e nus precurin saldo associâz e sostegnîdôrs.

Us ringrazin cetan' dai bêt e soredut dal uestri interes e de uestre buine voluntât.

Mandi, mandî.

Si scjampe a plen

Riverit diretôr,

I cantirs de Holzmann in Gjermanie, une grande impre-se stradâl e di costruzion, «e vevin fin l'an passât e ai prins di chest an un gran numar di lavoradôrs furlans. Cumò s'in cjate simpri di mancual. Ce isal sucedût? Cu la circolazion libare di man d'opare vie pa l'Europe i furlans ch'e erin prime in gran majorance tai cantirs «e son stâz somerzûz di un gran numar di meridionâi, di Spagnûi, di Grêcs e ce sao jo. Cun dute chê misture di int «e saltin fûr nome barufis e i pulizzais «e son dispes daûr a visitâ lis barachis dai lavorenz. Pai Furlans cheste vite cul riscjo di vignî confondûz cun gjernaziis di man facile e di curtis plui facil no va a square, I Mucs se tachin a

politica cun tun taj tal stomi o un miez di bire in cuarp «e san nome tirâ fûr Mussolini e i talians che an tradit Hitler. Ma i Furlans che an onôr di vendi (lis raris ecce-zions sucedudis aventi-sù no butin parâjar la buine ino-mine di duc' chei âtris) «e vuelin jessi respetâz. E alore plane a plane «e molin il puest e il lavôr. Putros a' tornin tal lôr benedet Friûl, âtris «e gambin par Milan, la Svizzera e la France. Pus-sibil mo che i Mucs no rivin a capî certis robis? Nol è chest il miôr sisteme di tratâ i lavoradôrs furlans e ladins e bisugne bandonâ un nazio-lisin ch'al svuarbe i voi denant de storie e de gjeogra-fie. Il progres uman al è alc di miôr che un progres di culumie e di potenze.

Mandi e staimi ben.

G. B.

La mil

Sar Diretôr,

al è savût che i furlans «e son sparagnins e no san mes-sedâsi come i ebreos par fâ rindi il capital o par difindilu. I nestris bêt «e van squasi simpri a finile in pueste, tes bancjis, tes cassis di spara-gn che ti liquidin chel fre-gul di interes che nol rive nancje a tegni in stangje il capital. Dome ta chest an lis statistichis dal guviûr nus fâ-sin savê che l'vivi al è cres-sât di passe il 6 par cent, ma in pratiche al è alc di plui. 'O pensi inalore che te socie-tât di cumò il sparagn nol sedi une virtût ma une pe-cje; il sparagnin ch'al si gja-ve de bocje un franc par si-gurâ l'avignî de sò famee o pe sò vecjæ al ven lecût sal-do come la mil des âs, di une bande di finanziairs o ben dal guviâr e par ben ch'e ledi chei bêt sudâz «e van a fini-le a pro di int senze previ-denze, senze capacitât, pegre

e ridote in miserie ma ch'e pratint jutori par rifâsi dai siei difiez e par gjavâsi des rognis, come ch'al suzzèt cui socios ch'e molzin il lat de Casse dal Misdi.

Par chest di cumò inde-nant mi darâj fuarze e j da-râj dentri par ordin al "capitâl".

M. N.

Pee e dispee

Tal progjet di lez comunâl e provinciâl presentât dal on. Mario Scelba par cîri di sbaldi lis autonomis previo-dudis de Costituzion al reste in pit dopo dal prefet, che nol dovaress legalmentri esi-sti, ancje l'art. 5, ch'al dis che il prefet nol pò sei incriminât par az di ufizzi senze l'autorizazion dal consei dai sorestantz, intan' che l'art. 28 de Costituzion al stabilis che: I funzionari e i dipendenti dello Stato e degli altri enti pubblici sono direttamente responsabili, secondo le leg-gi penali, civili e amministra-tive, degli atti compiuti in violazione di diritti.

Al ven a stâj che pe Costi-tuzion i funzionaris respon-sabij no an bisugne de auto-rizazion dal sorestant dal consei par sei incriminâz e che nissun dependant statâl al pò platâsi — co j comude «e burocrazie — sot la quali-fiche di prefet, par evitâ lis consequenzis des violazions dai diriz. Ma saral l'art. 28 de Costituzion ch'al vegnarà aplicât, a ben l'art. 5 de "gno-ve" lez comunâl e provinciâl dal sorestant Mario Scelba?

Gjno

Discorin tra di nô

Par C. G. - Milan
e i gnûs associâz

La uestre letare nus à fat propit tant plase ma no olin publicâl par vie che nus lau-dais masse e po chês laudis «e van spartidis, come ch'o vin scrit ancjemò voltis, cui nestris colaboradôrs e cui nestris soste-gnidôrs.

Grazionis ancje ai gnûs asso-ciâz pal jutori ch'e dâ al sfuei e pes bielis peraulis a chei di «Patrie».

Cun gjô.

S. C. Aust. - Lis gnovis des sôs ultimis letaris «e an interes-sât une vore la nestre redazion che j sa a grât pe sò opare ati-ve e inteligjente. Ancje di âtris bandis nus an vût scrit e si son lamentâz dal mût ch'e van in-denant putros «Fogolârs fur-lans», che di furlan «e an dome la tichete.

Ta chesè fogolârs si cjate un mis-mas di int che no je fur-lane o ben «e je cuntri furlane ancje se je nassude te nestre tiare. Podopo par vie de puli-tiche no mancjin nazionalisc' nostalgjics, arelis prontis a sin-ti e lenghis ancjemò plui pron-tis a riuartâ informazions ai consolâz. Il ministeri pal forest al spint ogni an centenârs di millions par judâ la stampe ta-liane, enz di beneficenze, Dante Alighieri, circui di emigranz e duc' chei bêt no vegin dâz di-bant. Par tan' ch'al riuarde l'autonomie po al rigjavarà il struc da «Patrie».

Co nus mande retais di gjor-nai ch'al s'impensi di meti la date, il non dal giornâl e che nol stei a crodi di secjâns cu lis sôs letaris ancje se no j din rispueste. Mandi, mandî.

DOMANDAIT lai miôr negoziis

DOMANDAIT lai miôr negoziis



Produzion **Berto ZORAT**
UDIN - Via Zanon, 2 - UDIN

Fradis


ROMANUT

S. p. A. - Capital soc. 60.000.000

BOBC DAL COTONIFIZI, 11-a - TELEFON 5-01-25

UDIN

FABRICHE MACHIGNIS



par café espres

C. C. I. A. Udln N. 65842

C. C. Postel N. 26/5900

Telegr. ROMANUT - Udln

Motivi di azione dei Regionalisti

A dei regionalisti di sempre parrebbe superfluo ricordare il perché si è regionalisti.

Noi siamo regionalisti perché siamo autonomisti.

E' evidente che noi abbiamo voluto le regioni, non perché questo istituto costituisca il nostro fine, ma perché esso è strumento importante per introdurre il nostro spirito autonomistico nella struttura dello Stato.

Un grande passo avanti per l'autonomia viene fatto con le Regioni; ma esse, anche se realizzate nel migliore dei modi (del che si può fortemente dubitare) non sono tutta l'autonomia.

L'autonomia è un modo particolare di concepire la vita, i rapporti fra gli individui e i rapporti dell'individuo con lo Stato.

La nostra autonomia comincia con il concepire la libertà (che in senso assoluto è solo la libertà di ogni individuo) come strumento capace di garantire a ciascuno, nei limiti delle leggi liberamente accettate, lo sviluppo della propria personalità.

I rapporti con la collettività, cioè con lo stato devono essere quelli del cittadino e non del suddito.

La nostra autonomia, è evidente, è parte essenziale nel concepire la famiglia.

L'autonomia configura in modo preciso le funzioni del comune (in alcuni anzi c'è più un senso comunalistico che regionalistico).

Considerata così la nostra visione del vivere umano, è evidente che si giustifica la nostra presenza nella vita nazionale, anche dopo realizzate le Regioni, perché la nostra azione non è di carattere contingente ma permanente.

Ma anche nel contingente pensiamo ci sia molto ancora da fare.

Ci si passi il paragone: il calzolaio, il sarto, ecc. possono essere chiamati per consiglio o notizie prima di decidere se e come fare le scarpe o il vestito, ma l'azione propria del calzolaio, del sarto, comincia quando gli danno l'ordinazione.

Così è per i regionalisti, nessuno fuori di noi, o di chi ha il nostro spirito, è in condizione di fare le Regioni.

Se le Regioni saranno fatte per puro spirito politico, saranno fatte male.

Se le Regioni saranno fatte con l'intento formale di soddisfare al dettato costituzionale, ma con l'intento reale di squalificarle, è logico che saranno fatte male.

Se le Regioni saranno fatte, non come semplificazione della amministrazione dello Stato, ma come complicazione, saranno fatte male.

Se le Regioni costituiranno un aggravio finanziario anziché un vantaggio, saranno fatte male.

Se lo spirito ed i metodi centralizzatori, autoritari, prefettizi verranno immessi nelle Regioni, esse saranno fatte male.

Se la burocrazia sarà sempre la padrona come ora o più di ora anche con le Regioni, esse saranno fatte male.

Se le Regioni permetteranno al danaro e al fascismo di continuare la loro opera di corruzione, saranno fatte male.

Quanti pericoli per il nuovo Istituto!

Solo noi regionalisti che lo vediamo con amore, lo possiamo inserire nello stato, armoniosamente.

Ma l'opera sarà ugualmente lunga e difficile. Strappare al potere centrale, in definitiva per suo vantaggio, una frazione di potere, incontrerà l'opposizione degli uomini potenti, che tale potere detengono.

Eliminare doppioni di funzioni, richiederà degli anni e si potrà fare solamente se sarà sempre in atto uno spirito autonomista, altrimenti avverrà che, dopo il primo provvedimento, nessuno curerà più che esso sia applicato.

Una continua vigilanza potrà impedire che il potere centrale ricuperi a poco a poco, ma costantemente, secondo

Zibaldone

La casta burocratica dominante è un vero Stato nello Stato.

Gli statizzatori non vedono differenza alcuna tra funzione e sorveglianza.

I cittadini non riescono a difendersi neanche quando hanno le più sacrosante ragioni; specie se vivono in campagna o nelle alte valli.

Chi tenta di difendersi è soffocato negli ingranaggi della burocrazia. Altro che liberi cittadini! Non hanno che da soggiacere.

Nel centralismo e nella sua burocrazia spesso si smarrisce il buon senso.

Nel 1861 Cavour disse: Sta bene che la capitale passi a Firenze prima tappa verso Roma.

Attenti però che si mantenga la burocrazia col sistema lombardo-piemontese.

Se subentra il sistema romano-borbonico sarà la rovina d'Italia.

Il centralismo di Roma si appella alla forza della legge.

Gli autonomisti si appellano alla forza del diritto naturale conculcato dal centralismo di Roma.

Occorre una profilassi contro il vaiolo morale, occorre cambiare sistema burocratico: decentrare.

La lupa di Roma antica aveva due gemelli; la lupa della Roma odierna col suo centralismo ne ha ventiquattro; non ce la fa più. E' necessario che passi due gemelli al toro di Torino, due al boscione di Milano, due al leone di S. Marco, ecc.; li allevano meglio.

La martora piccola, salta sulla schiena della lepre che sfugge. La martora succhia il sangue finché la lepre muore.

Così la burocrazia salta sulla schiena della nazione, del popolo italiano, e li fa morire.

G. CALDEROLI

do la sua natura, quelle funzioni delle quali è stato privato dalla Regione.

Ci pare di aver dimostrato che anche in fase di realizzazione dell'istituto regionale, non manchino le giustificazioni per l'opera dei regionalisti.

Ma ripetiamo la nostra funzione è di carattere permanente perché essa è una filosofia.

Anche se gli enunciati non sono nuovi, la loro realizzazione non è compiuta.

Troppi attentati alla libertà vengono e dalla statolatria e dalla conservazione.

Conservazione può essere anche il sentimento che ritiene eterni istituti che, per essere umani, hanno un loro ciclo e quindi, al contrario, non sono eterni.

La più diretta partecipazione dei cittadini alla conduzione della cosa pubblica; la democrazia diretta, segna la conclusione del ciclo dei partiti.

Nelle più evolute espressioni della civiltà: Stati Uniti, Inghilterra, Scandinavia fra i partiti non esistono più quelle fratture da fine del mondo, che esistono ancora fra i nostri partiti; anche se l'attuale superamento di ostacoli, per l'addietto ritenuti insuperabili, danno a vedere che pure nel nostro paese si va verso una più elastica visione dei rapporti fra le varie ideologie, riteniamo che una azione di liberalizzazione della vita nazionale dai partiti, sia essenziale per progredire.

E' sempre il nostro sentimento autonomista che ci fa ribellare a questa violazione della libertà, che è la degenerazione della funzione dei partiti, che si vuole denominare partitocrazia.

Autonomia quindi dell'individuo al quale deve servire lo stato e non viceversa.

Autonomia nella famiglia, nel comune, nella provincia, nella Regione, nello Stato. Visione insomma dell'uomo Re del creato.

(da "Autonomia").

500 tedeschi decisi

a diventare svizzeri

Non più disposti, a quanto risulta, a condividere la loro sorte con quella di milioni di connazionali, 500 abitanti di una località appartenente politicamente alla Repubblica federale tedesca, ma situata in territorio svizzero, reclamano il diritto all'autodeterminazione.

Si tratta degli abitanti di Busingen, un'«enclave» tedesca fra la città elvetica di Sciaffusa e il confine germanico. Questa località fece parte della Confederazione elvetica fino al 1806.

Improvvisamente, il sindaco di quel comune ha inoltrato alla commissione dei Diritti dell'Uomo, a Strasburgo, un memoriale per chiedere che ai suoi concittadini sia data la possibilità di scegliere attraverso un referendum fra lo statuto attuale e l'annessione alla Svizzera.

GIUSTIZIA PRIVATA A NAPOLI

Il giudice sedeva in una poltrona di velluto, dietro un tavolo di mogano. Alle sue spalle non c'era la scritta «La legge è uguale per tutti», ma l'uguaglianza di tutti i cittadini davanti alla legge era sottintesa. I ladri, a norma del Codice, erano puniti col versamento obbligatorio di metà della refurtiva; gli autori di lesioni guaribili in dieci giorni dovevano pagare una multa di diecimila lire, gli autori di lesioni gravi, ventimila lire; gli autori di gravissime, trentamila. Gli assassini, centomila lire.

Verso i delitti per causa d'onore, però, il giudice Caporino era indulgente: chi avesse sfregiato o ucciso la moglie adultera se la sarebbe cavata col pagamento delle spese di giustizia. Cioè col versamento di una lauta mancia al cancelliere, «Pepino a' Felazza».

Dimenticavamo di riferirvi l'indirizzo dello strano «palazzo di Giustizia»: un appartamento di vico Sacramento a Foria

(Napoli). L'indirizzo è stato recentemente scoperto dalla «concorrenza», cioè dalla Giustizia dello Stato. Tommaso Caporino è stato chiamato davanti alla Sezione speciale del tribunale di Napoli, il cui presidente dottor Luigi Peluso ha ordinato a Caporino due anni di bagni di mare, dove Caporino ben difficilmente riuscirà a trovare imputati per il suo tribunale.

Ma per quale ragione s'è dovuto ricorrere alla misura eccezionale del confino di polizia? Perché nessuno degli «imputati» per l'addietto giudicati nel «palazzo di Giustizia» di vico Sacramento si è ribellato alla giurisdizione di Caporino. E così sono venuti a mancare i testimoni.

E perché avrebbero dovuto ribellarsi? Caporino giudicava soltanto i reati rimasti impuniti per la Giustizia dello Stato. Delitti di cui la camorra sapeva il bandolo, ma la polizia no. Farsi giudicare da Caporino, in quelle condizioni, era quasi un affare. E adesso aspettiamo di leggere in qualche rivista di varia umanità un saggio sul diritto caporino e comparato.

CHI E' RAZZISTA?

Parlando di razzismo la nostra mente corre subito anche alle povere vittime ebreiche della Germania di Hitler. Ma il teorico del razzismo tedesco era Rosenberg, cognome tipicamente giudaico; dietro di lui fra i gerarchi hitleriani saltano fuori un'infinità di tali cognomi giudei. In una polemica svolta nella Rassegna «Israel» ancora nel gennaio del 1931, perciò ai primordi del movimento nazional-socialista, Bruno Foà battendosi contro il correligionario Schiaky scriveva: «A me lo stile «ebraico» dei figli del ghetto; a Schiaky lo stile «ebraico puro e autentico» cioè quello di Hitler... Ma l'esperienza attinta alla nostra storia ebraica ci ha insegnato un concetto di forza alquanto diverso (quello dei figli del ghetto) da quello tenuto in onore sulle cattedre di razzologia hitleriana».

Da questo risulta, e si po-

trebbero portare valanghe di citazioni e di nomi, che l'ideologia hitleriana non era altro che un punto di vista «ebraico puro e autentico».

Nel «Borghese» del 22 aprile 1961 si prova che il figlio di un rabbino, Carlo Marx, fu anche lui razzista contro altre correnti giudee. Anche in questo razzismo, come dopo la fine di Stalin, alcuni nomi di caporioni ebrei verranno riabilitati, dopo il loro sacrificio, mai i milioni di altre povere creature che secondo questo razzismo contano meno delle bestie e sono nate per servire da schiave all'unico imperio, quello di Giuda.

Il razzismo è solo una faccenda giudaica. A noi, se ci resta ancora il fiato, difendere da questa maledizione la nostra vita e possibilmente anche quella degli israeliti.

L. C.



ING.

A. MAGINI

Macchine elettriche - Termiche - Idrauliche
Bruciatori di nafta

UDINE

Via Vittorio Veneto, 44

Telefono N. 26-83

SINCLAIR
OPALINE
MOTOR OIL



I MIGLIORI LUBRIFICANTI

Prodotti originali «U.S.A.» di qualità senza confronto per ogni impiego

Sinclair Refining Company New York

Agente con deposito:

Rag. GIUSEPPE MASARIN

Via S. Francesco 1 - UDINE - Tel. 57.406

Sinclair **Opaline** - per motori a scoppio

" **Super Tanol** - per motori Diesel

Sinclair **Rubilene** - per tutte le industrie

" **Litholine M.P.** - grasso al litio

Seseladuris e raspiz mitûz adun

di Macôr Lengate

RISORZIMENT E «PRER»

I socios dal «Open gate Club», al ven a stâj la crème de societât romane par pusizion sociâl, par snobisim inteletuâl e pes palanchis, si jerin cjetâz in cuvigie te platee «Fiammetta» par la presentazion di un libri: «Il risorgimento italiano nel teatro e nel cine» opere di ricje vieste tipografiche, ma puarine di sostanzie e destinade, vadi, dome a fâ propagande tal forest. Finidis lis presentazions, batudis lis mans ai oratôrs Calendoni e Meccoli, co Luigi Barzini jr. giornalista e deputât liberal al tacà a discorsi sul parcè che il risorgimento talian al jere stât cussì pœc ricuardât tan' dal teatro che dal cine, une potente trombetade (p. t. pernacchia) 'e zonejâ il sito de platee e a' scaturî la int. Autôr di chê «businade»: un famos ator dal «Concerto di prosa» de TV, Enrico Maria Salerno che jervât in pins al disê: «Jo no soi mai vîgnût cul, cun dut ch'ô sedi stât invidiât un grun di voltis; no soi di cheste parochie e orês di dome une cjosse. Eoo mo ce ch'ê orês di: prrrrrr...» (tonade di siet seonz).

Dopo i prins momenç di marivee, «prrrr...» plui flapis 'e rispûnderin di qualchi bande; a Valeria Valeri artiste e amie di Salerno ch'ê jere insieme j capîtâ un imbast, intant che qualchidun par tegni sù la dignitât de storie patrie ai osanave al risorçiment, o ben al porconave cuntri il secjesmerindis.

Un afâr dal gjenar nol podeve passâ tan' alis e Salerno tal scusâsi al à fate la sô bieie difese disint che tal lengaz dai meridional la «pernacchia» 'e servis a diferenziâ l'aparenze de sostanzie; insumis no si trave di une trivialitât, ma dome di une «prrrr...» ideologjiche. No à obît ufindi nissun, dissâl, e se qualchidun si è ufindût j domandâ publicamentri scuse. Co mi soi jervât par fevelâ 'o jeri une vore secjât pes cjosis senze mani ch'ô vevi sintudis; 'o volevi raccomandâ di discorsi clâr, senze menadis e senze falsetâz, ma po mi soi confundût e par meti adun alc ch'al pandês in struc ce che mi balinave tal stomi mi è sbrissade fûr chê trombetade. Eoo mo la veretât: mi è propit sbrissade.

BEZ PAR TRAMUDASI

'E son un cinc agn che il ministeri des finantzis al à finit di tirâ sù il gnûf palaz, ma i «impiegâz no uelin lassâ il vieri pal gnûf senze vè la sigurezza che la ministrazion ur pâl une indenitât di trasfuarie. Il lôr sindacât al à menazât di fâ sio-pero se il soestant des finantzis 'Sef Trabucchi al obleas i sici dipendenz a tramudâ di antiritât.

Daur dai conseis di Virgilli Testa, commissari dal EUR Fon. S. Trabucchi al à promitût di cjetâ il mût par cumbinâ la facende e dal sigûr si smolarà alc par chel trasloc des «miezis manîs».

VIOLE E VERT

Il soestant dai traspuarz on. Bernart Mattarella al ôl cjoli provedimenz par che i otomobij dal Stât no servissin ai privâz, cjosse che spzialmentri a Rome 'e sucedarês dispes e par chest al à proponût une targhe uniche cu la scrite «servizio di Stato» inpen di Roma, NA, MI, o ben PA, dopradis cumò.

Se no fos vonde cheste disposizion si podarês piturâ dutis lis machinis di Stât in viole, in vert cussì che la int a rivi facilmentri a cognossilîs.

TAL MINISTERI INUTIL

Fintremai cumò tal ministeri pe riforme de burocrazie nissun al à cumbinât nuje. Il gnûf soestant 'Sef Medici apene cjapade chê incariche al à scomenzât a dâj dentri di sonone, al à clamât une trope di impiegâz par studiâ la maniere di fâ rindî il lavor e di meti 'n sest chel disordin e ur à promitût ançe di cressiur lis pâl e li spes. Il president A. Fantani informât di chês promessis, fatis propit tan moment ch'an di è di masse in bulidure, lu clamà e j conseâ di lâ a fâ un gran viaz par studiâ e imparâ tsi Stâz plui svilupâz i sistems plui svelz e plui economics par servi la int.

Par chest l'oa. 'Sef Medici al è partit par un viaz une vore lung; al visiterà Gjermanie, France, Inghiltere e i pais dal Benelux.

Tant par un ministeri inutil, al è plui economic che un soestant al ledi in xir dibant.

STIRIANE DI BREE

Dopo dal pês tratât cu l'acit boric ch'al veve mandade une famee tal ospedâl, cumò 'e j tocjade 'e famee Caprioli di Milan par vie de cjâr di cjaival infetade. La femine e doi fruz che la vevin apene zercjate 'e forin deliberâz cu la lavande dal stomi; il marit inpen ch'al veve mangjate dute la purizion al è diventât uarp in vingie-quatri oris. 'E je propit vere: a taule no si devente vecjos ma si riscje di lassâle e parti cum intorsi une stiriane di len.

QUATRI ORIS IN QUESTURE

Al è il solit sù e jû te questure di Milan; 'e passin tal ufizi dal commissari Concetta Tunisi, 28 agn, cjapade cu lis mans imberdeadis dai bês prelevâz di une bersete foresta. Concetta 'e vose 'e proteste la sô inocenze, ma il sbiro dâr come chel gjandarm muc ch'al sentenziave a Gurizze: «ento e no zento, meti tuti dentro», la spedis a S. Vittor.

Al è cumò il turno di Felicitâ Muscio 53 agn, mari di nûf fruz ch'ê veve denunziade une agression a man armade di doi unign che le vevin rapinade di 220 mil francs e podopo scaturide cu la menaze di netâl s'ê ves pandût alc. 'E je stade denunziade par «simulazione di reato»: jê biade sicillane 'e veve sî nûf fruz, ma nancje un pfe-nik.

Par tentât omicidi un disoccupât calabrés di 22 agn Francesco Scalisi ch'al vares dade une scurtissade a Federico Peola par vie di une sô femenute Raffaella Gianquinto, al è stât rievocat insieme al so parson Domenico Sansalone, 22 agn, imigrât di Gerace di Reggio Calabria, senze mistir e senze tet. Ance la polezze Raffaella Gianquinto acusade di «istigazione alla prostituzione» 'e je colade dentri.

CURTIS E COTULIS

I calabrés 'e vâin, si lamentin saldo, 'e scrivin letaris ai sfueis cuntri dai nordics che no ju judin vonde a giavâsi de miserie, ma no ur passe nancje pe melonarie che il prin juturi al scuén vegni propit di lôr. Cussì 'e an fat duc' chei da «l'altre Italie» e nissun cjargnel, nissun furlan al à mai pratindût di sei mantignût di chei âtris. I calabrés, almanco chei di buine volontât, ch'a scomenzin a cambiâ il cjâf, l'educazion, il pensâ e i customs de lôr int. Fintremai che i mestris 'e saran menazzâz di scurtissadis dai

sares insumât di podêle viedi e provâ dopo des «liberazions».

PENSIONAZ

L'Italie cun tune popolazion di 50.463.762 abitanz 'e à 6 millions 731.216 pensionâz ch'ê son dividûz cussì: 5.076.516 a caric dal istitût de Previdenze social, 450.022 di impiegâz statâi, 101.648 di dipendenz dai Enz locâi e 1.103.030 'e son i pensionâz dal ministeri de difese ch'ê qualchidun al crêt ch'ê costin al erari come cinc millions di pensionâz de Previdenze.

scuelârs che no passin al è dibant lâ scuelis, fintremai che si larà indenant a scassinâ i distributôrs di spagnolez, fin che i «terons» no rivarân a fâsi pajâ ce che ur compet e no dismentearân lis costumanzis servils cui lôr feudataris miliardaris 'e saran dibant la «Sila» e dute chê sglavinade di miliarz che ur regalin i «polentons». No si pò pretendi di vivi cu la beneficenze di chei ch'ê strussijn par parâl indenant intant che putros calabrés si scurtissin par gjelusiis o ben 'e piardin timp daûr des cotulis.

L'INDUSTRIE DAL «GAFA»

Un ziart Giovanni Innusa insieme cui fradis Giuseppe e Alberto Mazzanares 'e vevin fondade une cuntri sigurazion senze berdeis legâls e senze complicazions burocraticis ch'ê doveve sfrutâ lis cassis da l'INAM di Palermo. Il projet al jere pratic e la fazende semplic; si cirivin personis, si ur faseve domandâ la cjarte pe iscrizion, podopo jemplât chel stampât cun firmis, timbros di ditis che nancje no esistevin si ritiravin i librez di sigurazion cuntri lis malattis e alore i socios si devin dentri come malâz. Lis medicinis 'e vignivin vendudis e insieme cui bês de assistenze si spartive il undagn tan' par bande. Se qualchi «malât» al cessave, i siguradôrs lu mandavin a durmi cun qualchi scurtissade. Propit par vie de cusidure di un slambri te panse di un «cessadôr» la questure 'e rivâ a intajâsi e a scuviarzi la filaine dai sigurâz e dai siguradôrs. Si trate di 200 e passe «associâz» ch'a jan disvuedade la casse dal INAM di un mierz miliard. Domé tune des quatris sezions palermitanis di chê sigurazion 'e son stâz truffâz dusinte millions, ma cui sa trop timp ch'al coventarâ par savê adimplen il numar dai fals malâz e i millions spariz de casse dal INAM.

LEBROS TE PULIE

A Gioia del Colle (Bari) 'e je une colonie di fameis e di malâz cu la lebre ch'ê son simpri in muviment par zartis rivendicazions e par otegni un sussidi di 500 francs par zornade e par ognidun de famee. Par dâj fuarze 'e manifestazion 'e an bandonade la colonie e si son mitûz in marcie par lâ a protestâ tal pais. Il capelan e il direttore 'e son rivâz a bonâju. Une lez davanti dal parlament, cussì ur an sigurât, 'e je pronte par regolâ la vite a di chê int disgraziade.

LA SNIA A TRIEST

Une des plui impurtantis realizazions industriâls tal comprensori di Zaule — chê de Snia Viscosa — 'e costarâ passe di un miliard. Si trate dal Stabiliment mecanic triestin ch'al darà di vore a 600 dipendenz, impiegâz e termies.

La Snia Viscosa 'e à beromai in funzion la Fil-Snia e la «Pettinatura»; la Pettinatura Export 'e je in costruzion tal Pont franc industrial. A vore finide ches' implant 'e ocuparan un 3000 di lôr.

...E I PROTESC

Tai prins doi mîs di chest an tal Teritori Libar di Triest 'e son ladis in protest 5570 gambials par un total di 187 millions di francs intan' che lis tratis mandadis indaûr 'e son 4426 par un numar di 308 millions di francs. Co l'Austrie 'e cjalejave chei disgraziâz «iredenz» une cjosse di cheste fate nissun si

Us al dis Macôr Lengate

ch'al cognosi trucs de uate

No covêntin cjacaradis

ni promessis staronzadis.

Olin vè l'autonomie

pai ladins de Furlanie.

MIGAS

IL GAS CHE RENDE DI PIÙ

PER OGNI BOMBOLA UN PACCHETTO «KOP»
MIRALANZA con buono concorso

Concessionaria esclusiva per le Province di
UDINE E GORIZIA

S. p. A. FRANCESCO ORTER

UDINE - Via Caccia, 2 - Tel. 571-41 - UDINE

G. BARBETTI

Curtis - Profums

Rasôrs eletrics dai miôr

Fuartsis - Lamis - Temperins

UDIN

Borc Pauli Cancian, 23

DIANA e ROMANELLI

UDIN

Borc Teobaldo Cicon, 10 - Tel. 2109

FABRICHE BICICLETIS

Industrie e commercio:

ATOMOBIJ

MOTOCICLOS

BICICLETIS

E TOCS DI RICAMBIO

SERVIZI MARELLI - BOSCH

OFFICINE ELETTROMECHANICHE

per meti e comedê parecjios eletrics
par autoveicui e par pompis di inlezione